

आकाशवाणी

- 1.भारत ते न्यूजीलैंड ने ऐतिहासिक, महत्वकांक्षी ते दपक्खी लाह आहले मुक्त बपार समझौते दा ऐलान कीता ऐ। प्रधानमंत्री नरेन्द्र मोदी होरें आखेआ ऐ जे एह समझौता अगले 5एं ब' रें दरान दपक्खी बपार गी दूना करने लेई बत पदरी करग।
- 2.उद्योग ते बपार मंत्री पीयूश गोयल होरें आखेआ ऐ जे एह समझौता, करसानें, उद्यमिणें, विद्यार्थिणें, महिलाणें ते नमियां काहडां कड्डने आहलें लेई नमैं मौके पदा करग।
- 3.सरकार आखेआ ऐ जे अरावली पर्वतमाला दे शह्नीकरण दी ओहदी कोई योजना नेई ऐ ते ओदी मंशा इस पर्वतमाला दा संरक्षण करना ऐ।
- 4.राष्ट्री महिला आयोग ने युवा शोध फलोशिप कार्यक्रम-शक्ति फलोशिप दी शुरुआत कीती ऐ। एहदे च भारत च महिलाणें कन्न-सरबंधत मुद्दे पर शोध लेई युवा विद्यार्थिणें ते शोधकर्ताणें थमां आवेदन मंगगे गे न।
- 5.दिल्ली-एनसीआर च घने कोहरे ते धुंध आहले हालात करी केई डुआरिणें ते रेल सेवाएं च विघ्न पवा करदा ऐ।
- 6.महिला क्रिकेट च भारत ते श्रीलंका बश्कार 5 टी20 मछें दी श्रृंखला दा दुआ मुकाबला कल विशाखापत्तनम च खेड्डेआ जाहग।

<><><><><><><>

India New Zealand FTA

भारत ते न्यूजीलैंड ने ऐतिहासिक, महत्वकांक्षी ते दपक्खी लाह आहले मुक्त बपार समझौते गी कामयाबी कन्न-संपन्न करी लत्ता ऐ। प्रधानमंत्री नरेन्द्र मोदी ते न्यूजीलैंड दे उं'दे हमरुतबा क्रिस्टोफर लक्सन होरें अज्ज इस बारा च ऐलान कीता। श्री मोदी होरें अज्ज लक्सन हुं'दे कन्न-टेलीफोन पर गल्लबात कीती। प्रधानमंत्री मोदी होरें आखेआ ऐ जे भारत ते न्यूजीलैंड बश्कार मुक्त बपार समझौते ने अगले 5एं ब'रें दरान दपक्खी बपार गी दूनी करने लेई बत पदरी करी दिती ऐ। सोशल मीडिया दी इक पोस्ट च श्री मोदी होरें आखेआ ऐ जे दौनें मुलखें दी सांझ-भ्याली, औने आहले समें दरान नमियां

उंचाइयां हासल करग। उ'नें आखेआ जे भारत, बक्ख-बक्ख खेतरें च न्यूजीलैंड थमां 20 बिलियन डॉलरें दी रास-पूंजी दा सोआगत करदा ऐ। तोआई उद्योग ते बपार मंत्री पीयूष गोयल होरें अज्ज न्यूजीलैंड दे वाणिज्य ते उद्योग मंत्री टॉड मक्कले होरें'गी दौनें मुल्खें बश्कार मुक्त बपार समझौते-एफटीए लेई बधाई दिती। सोशल मीडिया पर श्री गोयल होरें आखेआ जे दौनें नेताएं न्यूजीलैंड ते भारत च एफटीए गी मिली दी सकारात्मक प्रतिक्रिया पर चर्चा कीती। उ'नें मक्कले होरें'गी भारत दी परतियऱयात्रा करने दा साद्दा बी दिता। इस समझौते कन्नाऱदपक्खी सरबंधें गी होर मजबूती मिलग। दौनें मंत्रियें समझौते गी असरदार बनाने, मते मौके प्रदान करने ते दौनें मुल्खें दे लोकें दी समृद्धि लेई मिलियऱकम्म करने दी सांझी वचनबद्धता गी बी पक्का कीता।

<><><><><><><><>

Jaishankar FTA

बदेश मंत्री डॉ. एस. जयशंकर होरें भारत-न्यूजीलैंड मुक्त बपार समझौते-एफ.टी.ए गी दौनें मुल्खें बश्कार सरबंधें च मील दा पत्थर करार दिता ऐ। इक सोशल मीडिया पोस्ट च उ'नें आखेआ जे एफ.टी.ए रिकॉर्ड समें च संपन्न होआ। डॉ. जयशंकर होरें आखेआ जे एह समझौता दौनें देशें बश्कार सांझ-भ्याली गी तेजी कन्नाऱविकास दी बत्तऱपर अगड़ा बधाग। उ'नें इब्बी आखेआ जे एफटीए कन्नाऱबपार, निवेश ते बक्ख-बक्ख खेतरें च आर्थिक सहयोग पक्क गऱबढ़ावा मिलग।

<><><><><><><><>

ED Herald Case

दिल्ली हाईकोर्ट ने अज्ज प्रवर्तन निदेशालय - ईडी दी उस याचिका पर कांग्रेस नेता सोनिया गांधी, राहुल गांधी ते होरनें गी नोटिस जारी कीता ऐ जेहदे च नेशनल हेराल्ड मामले च काले धनऱगी जायज बनाने दी शिकायत पर संज्ञान लब्धे थमां इनकार करने आहले हेठली अदालत दे हुक्मऱगी चुनौती दिती गई ऐ। दिल्ली हाई कोर्ट ने ईडी दी याचिका पर कांग्रेस नेता सोनिया गांधी ते राहुल गांधी हुं'दे थमां जोआब मंगेआ ऐ। अगली सुनवाई 12 मार्च 2026 गी होग। एहदे शा पव्वले, ईडी ने नेशनल हेराल्ड मामले च कांग्रेस नेताएं सोनिया गांधी, राहुल गांधी ते होरनें दे खलाफ काले धनऱगी जायज बनाने दी शक्त पर संज्ञान लब्धे थमां इनकार करने आहले हेठली अदालत दे हुक्मऱगी चुनौती दिं' दे होई दिल्ली हाई कोर्ट च याचिका दायर कीती ही। याचिका च, ईडी ने

हेठली अदालत दे नतीजें पर सोआल पुट्टेया ऐ ते काले धन॥गी जायज बनाने थमां रोकने सरबन्धी कानून दे तहत फसले दी अपीलीय समीक्षा दी मंग कीती ऐ।

<><><><><><>

DRDO-Agreement

रक्षा अनुसंधान ते विकास संगठन - डी.आर.डी.ओ ते राश्ट्री रक्षा युनिवर्सिटी ने रक्षा ते अंदरूनी सुरक्षा दे खेतर च शोध, शिक्षा, सिखलाई ते तकनीकें च सहयोग बधाने लेई इक समझौते पर दस्तख्त कीते न। एहदा उद्देश्य रक्षा ते अंदरूनी सुरक्षा सरबन्धी तकनीकें च भारत गी आत्मनिर्भरता बनाना ऐ। नमीं दिल्ली च अज्ज रक्षा मंत्री राजनाथ सिंह हुं'दी मजूदगी च विशिष्ट वैज्ञानिक ते महानिदेशक डॉ. चंद्रिका कौशिक ते राश्ट्री रक्षा युनिवर्सिटी दे चांस्लर प्रोफेसर बिमल एन. पटेल होरें दस्तख्त कीते। समझौते दे तहत दौने संगठन सांझे शोध सरबन्धी परियोजनाएं, पीएचडी ते फेलोशिप कार्यक्रमें सने सुरक्षाबलें लेई बशेश सिखलाई ते समर्थ निर्माण कार्यक्रमें पर सहयोग करडन।

<><><><><><>

Aravallis Urbanization

केंद्री पर्यावरण, जंगलात ते जलवायु परिवर्तन मंत्री भूपेंद्र यादव होरें आखेआ ऐ जे अरावली पर्वतमाला मामले च सर्वोच्च अदालत॥दा फसला अरावली ग्रीन वॉल परियोजना दे माध्यम कन्न॥पर्वतमाला दे संरक्षण लेई सरकार दे लगातार जतनें गी मानता दिं' दा ऐ ते एहदा समर्थन करदा ऐ। अज्ज नमीं दिल्ली च श्री यादव होरें आखेआ जे कुस॥बी नमें खनन पट्टे गी राश्ट्री राजधानी खेतर दिल्ली सने बशेश रूप कन्न॥संरक्षित ते भूगोलिक तौर पर संवेदनशील इलाकें च खुल्ल नेईं दिती जाहग। श्री यादव होरें आखेआ जे सरकार वैज्ञानिक प्रबंधन योजना दे मूजब अरावली दे विकास लेई वचनबद्ध ऐ।

<><><><><><>

NCW-Shakti

राश्ट्री महिला आयोग होरें युवा शोध फेलोशिप कार्यक्रम-शक्ति फेलोशिप दी शुरुआत कीती ऐ। एहदे च भारत च महिलाएं कन्न॥सरबन्धत मुद्दें पर शोध लेई युवा विद्यार्थीएं ते शोधकर्ताएं थमां आवेदन मंगगे गे न। इस फेलोशिप दा मकसद महिलाएं दी सुरक्षा ते

गरिमा, लिंग आधारित हिंसा, कन्नूनी अधिकार ते न्यास, साइबर सुरक्षा, सेहत ते पोशण, आर्थिक सशक्तिकरण ते श्रम भागीदारी ज्नेह प्रमुख खेतरें पर व्यापक शोध गी प्रोत्साहित करना ऐ। कुसमान्यता हासल संस्थान थमां ग्राजुएट दी उपाधि हासल कीते दे 21एं थमां 30एं बरें तगर दी उम्मी दे बसनीक एहदे लेई आवेदन करी सकदे न। आयोग ने दस्सेआ जे चुने गेदे मेदवारें गी 6एं म्हीनें दे शोध लेई इक लक्ख रपें दा शोध अनुदान दिता जाहग। आवेदन दी खीरी तरीक 31 दिसंबर ऐ।

<><><><><><>

Defence LoL Agreement

रक्षा सरबन्धी सैक्टर च सार्वजनिक खेतर दे उपक्रम - इंडिया ऑप्टेल लिमिटेड ने अज्ज युद्ध प्रणालियें दे निर्माण लेई फ्रांस दी कंपनी कन्नै समझौता कीता। रक्षा मंत्रालय ने दस्सेआ ऐ जे सैरान इलेक्ट्रॉनिक्स ते डिंस दे कन्नै एह समझौता प्रधानमंत्री नरेंद्र मोदी हुंदे 'मेक इन इंडिया' अभियान दे मूजब मुख्य गी अगगे बधाने दी बत पदरी करग। मंत्रालय ने आखेआ ऐ जे एह नमां समझौता भारत च इनें उन्नत प्रणालियें दे निर्माण ते समर्थन लेई दौनें भागीदारें दी वचनबद्धता दी तसदीक करदा ऐ। एह सांझेदारी भारत दे रक्षा विनिर्माण तंत्र गी मजबूत करने दे कन्नो-कन्नी थल सेनाएं दी समर्थ ते प्रदर्शन गी बधाने च जोगदान दिंदी ऐ।

<><><><><><>

Sheikh Hasina

बांग्लादेश दिएं साबका प्रधानमंत्री शेख हसीना होरें बांग्लातदेश च मोहम्मद यूनस दे नेतृत्व आहली अंतरिम सरकार दी निंदेआ कीती ऐ। उनें अंतरिम सरकार पर चरमपंथी तत्वे गी बढावा देने, भारत बरोधी भावनां भड़काने ते लोकतांत्रिक बवस्था गी कमजोर करने दा आरोप लाया। इक वर्चुअल इंटरव्यू च श्रीमती हसीना होरें आरोप लाया जे हालिया तनोतनी जानी-बुज्झियपदा कीती गई ही। उनें दावा बन्नेआ जे मोहम्मद यूनस ने प्रमुख औहद्धें पर गलत लोकें गी ब्हालेआ ते आतंकवादियें गी जेल थमां रिहा कीता। उनें आखेआ जे बांग्लादेश च भारत दे अधिकारियें दी सुरक्षा गी लेइया भारत दिआं चैंतां जायज न। हसीना होरें आखेआ जे भारत ते बांग्लादेश बश्कार दहाकें थमां दोस्ताना सरबन्ध रेह न ते एह कुसबी अस्थायी सरकार दे प्रभास कन्नकमजोर नेई होई सकदे। उनें आखेआ जे बांग्लादेश दी राजनीति च धर्मनिरपेक्षता, देशी

सबनें शा बड्डी ताकत ऐ। सिलीगुड़ी कॉरिडोर दे सरबंध च किश बांग्लादेशी नेताएं दे बयाने पर हसीना होरें आखेआ जे ऐसे बयान खतरनाक ते गण-जिम्मेदाराना न। उनें आखेआ जे कोई बी नेता अपने गवांडी मुख्य गी धमकी नेई देग जेहदे उप्पर ओह बपार ते इलाकाई स्थिरता लेई निर्भर ऐ। अगले बरे फरवरी म्हीने बांग्लादेश च होने आहले चुनाएं बार शेर हसीना होरें आखेआ जे उंदी पार्टी- अवामी लीग दी भागीदारी दे बगल बांग्लादेश च कोई बी चुनांस वध नेई होई सकदा। ऐसा चुनांस छड़ा मजूदा सरकार दी जबरदस्ती सत्ता हासल करने ज्नेहा होग। इनें चुनाएं च अवामी लीग गी प्रतिबंधित कीता गेदा ऐ। हसीना होरें आखेआ जे मुहम्मद यूनूस बिजन जनमत हासल कीते दे देश च सत्ता पर काबिज न ते हुन ओह अवामी लीग ज्नेही पार्टी पर बंदिश ला करदे न जिन्ने बांग्लादेश च 9 बारी पूर्ण बहुमत हासल करिय सरकार बनाई ऐ।

<><><><><><>

Rajasthan PM & Rijiju

राजस्थान दे अजमेर शरीफ दरगाह च चला रदे 814में सलाना उर्स दे मौके उप्पर, प्रधानमंत्री नरेन्द्र मोदी हुंदी तरफा चादर चढ़ाई गई। अल्पसंख्यक मामलें दे केंद्री मंत्री, किरन रिजिजू होरें प्रधानमंत्री हुंदे आसेआ भेजी गेदी चादर दरगाह च चढ़ाई। एहदे परबत, श्री रिजिजू महफिलखाना गे जित्थे खादिमें उनेंगी पारंपरिक दस्तारबंदी पोआइया सम्मानत कीता ते तबारूक भेंट कीता। एहदे परबत, बुलंद दरवाजे पर प्रधानमंत्री नरेन्द्र मोदी हुंदा राष्ट्र दे नांस संदेस पढ़ेआ गेआ।

<><><><><><>

Goa Fire

गोवा दी इक अदालत ने अज्ज नाइटक्लब दे मालिक सौरभ ते गौरव लूथरा दी पुलस हिरासत दी अवधि 5एं दिनें लेई बधाई दिती ऐ। इस नाइटक्लब च जंदी 6 दिसम्बर गी लग्गी दी अग्ग च 25 लोकें दी जान चली गई ही। घटना दे बाद दौनें भ्रह थाईलैंड नस्सी गे हे ते 17 दिसंबर गी उनेंगी फगड़िय भारत वापस आहन्नेआ गेआ हा। अंजुना पुलस ने उंदे खलाफ गण इरादतन हत्तेआ ते होरनें अपराधे लेई मामला दर्ज कीता ऐ। अदालत ने उस क्लब दे इक होर मालिक अजय गुप्ता गी बी न्यायिक हिरासत च भेजी दिता ऐ। इस मामले च हुन तगर 8 लोकें गी गिरफ्तार कीता जाई चुके दा ऐ जिसल के

पुलस॥ब्रिटेन दे नागरिक सुरिंदर कुमार खोसला दे खलाफ ब्लू कॉर्नर नोटिस जारी करने दी प्रक्रिया शुरू करी दिती दी ऐ।

<><><><><><>

Flight Disruption

दिल्ली और आले-दोआले दे इलाकें च अज्ज घने कोहरे करी कई उड़ानां ते ट्रेनां बाधित रेइयां। दिल्ली हवाई अड्डा प्रबंधन न॥दस्सेआ ऐ जे इंदिरा गांधी अंतरराष्ट्रीय हवाई अड्डे पर दिक्खने च पेश आवा'रदी परेशानी दे चलदे करीब 10 डोआरिएं गी रद्द करना पेआ। तोआई, रेलवे दे दिल्ली मंडल न॥दस्सेआ जे अजज दिल्ली जाने आहली कई ट्रेनें दा संचालन बी प्रभावित होआ। उनें गलाया जे करीब 17 ट्रेनां 3 घंटे थमां बद्द समें लेई प्रभावित रेइयां। तोआई, भारती मौसम विभाग न॥अज्ज रातीं बी दरमयाने दर्जे दी धुंध दे असार दस्से न।

<><><><><><>

Sirsa Delhi Pollution

दिल्ली दे पर्यावरण मंत्री मनजिंदर सिंह सिरसा होरें आखेआ ऐ जे दिल्ली च 'नो पीयूसी, नो फ्यूल' अभियान शुरू होने दे बाद थमां 2 लक्ख शाम मते प्रदूषण नियंत्रण प्रमाणपत्र- पीयूसी जारी करी दित्ते गेदे न। नमीं दिल्ली च मीडिया गी संबोधित करदे होई मंत्री होरें निजी कंपनियें गी ग्रुप-4 उपायें दी पालमा करने दा आहवान कीता ते उ'नेंगी सख्त कार्रवाई दी चेतावनी दिती। श्री सिरसा होरें आखेआ जे दिल्ली प्रदूषण नियंत्रण समिति ते दिल्ली नगर निगम दे कमिशनर होर, प्रदूषण फलाने आहले उद्योगें ते गश्-कनूनी औद्योगिक इकाइयें गी सील करने लेई व्यापक अभियान चला करदे न। सिरसा होरें आखेआ जे कुस॥बी संस्थान दे खलाफ शक्क मिलदे गा॥उं'दे खलाफ सख्त कार्रवाई कीती जाहग।

<><><><><><>

LG Dogri Diwas

जम्मू-कश्मीर दे उपराज्यपाल मनोज सिन्हा होरें लोकें गी डोगरी मानता दिवस दियां शुभकामनां दितियां न। अपने इक सोशल मीडिया पोस्ट च एल.जी होरें आखेआ जे डोगरी भाशा स्हाढ़ी पंछान ते आत्मसम्मान दी प्रतीक ऐ। एह् ध्याड़ा असेंगी अपनी

परम्पराएं, लोक कलाएं ते साहित्य गी कठेरने ते अगगे बधाने दी प्रेरणा दिंदा ऐ। आओ अस सारे मिलियऽडोगरी भाशा दे संरक्षण ते प्रसार-प्रचार दा संकल्प लखे। अज्ज डोगरी मानता दिवस मनाया जा'रदा ऐ। अज्जे दे गऽ दिन ब'रे 2003 च डोगरी भाशा गी भारती संविधान दी 8मीं सूचि च शामिल कीता गेआ हा। एह् ध्याड़ा डोगरी भाशा बोलने आहलें दी समृद्ध सांस्कृतिक, साहित्यिक ते भाशाई विरासत उप्पर लोऽ पांदा ऐ। डोगरी भाशा ते परम्पराएं गी बढ़ावा देने लेई अज्ज केई सारे सांस्कृतिक प्रोग्रामें, सेमीनारें ते साहित्यिक कार्यक्रमें दा सरिस्ता कीता जा'रदा ऐ।

<><><><><><>

Women Cricket

महिला क्रिकेट च भारत नऽ कल रातीं विशाखापत्तनम च खेढे गेदे 5 मखें दी टी-20 अंतरराष्ट्री श्रृंखला दे पहले मख च श्रीलंका गी 8 विकेटें कन्न्ऽहराई दिता। एहदे कन्न्ऽ गऽभारत नऽश्रृंखला च 1-0 दी बढ़त बनाई लखी ऐ। श्रीलंका दे 122 रन दे लक्ष्य गी भारत नऽ14 ओवर ते 4 गेंदें च गऽहासिल करी लखा। भारत आहली बकखी दा जेमिमा रोड्रिग्स नऽ44 गेंदें पर नाबाद 69 रन बनाए जेदे आस्ताऽउनेंगी प्लेयर ऑफ द मख चुनेआ गया। श्रीलंका आहली बकखी दा काव्या कविंदी ते इनोका रणवीरा नऽइक-इक विकेट लखा। एहदे षा पहले भारत नऽ टॉस जितियऽ गेंदबाजी करने दा फखला लखा। श्रीलंका नऽनिर्धारित 20 ओवरें च 6 विकेट पर 121 रन बनाए। श्रीलंका तरफा विशमी गुणरत्ने नऽसभनें षा मते 39 रन बनाए। भारत दी क्रांति गौड़, दीप्ति शर्मा ते एन. श्री चरानी नऽइक-इक विकेट लखा। कप्तान हरमनप्रीत कौर हुं' दी अगुवाई च भारत महिला टी20 विश्व कप दी तखारियें दे तहत श्रीलंका खिलाफ 5 टी20 मख खेला' रदा ऐ। इस टी20 श्रृंखला का अगला मख 23 दिसंबर गी विशाखापत्तनम च ते अखीरी त्रऽ मख तिरुवनंतपुरम च खेढे जाडन।

<><><><><><>

Vande Bharat

मुगल रोड उप्पर बरखा ते बर्फबारी होने करी ट्रफिक रोक़ी गेदी ऐ जेदे करी कटड़ा-श्रीनगर वंदे भारत एक्सप्रेस ट्रेन उप्पर निर्भरता च बढ़ौतरी होई गई ऐ। खराब मौसम च रेल कनेक्टिविटी पर निर्भरता इक महत्वपूर्ण विकल्प ऐ। रियासी जिले थमां दस्से गेदे दृश्यें थमां पता लगदा ऐ जे एह ट्रेन चिनाब रेल पुल जेड़ा दुनिया दा सभनें शा उच्चा

પુલ એ ઓહદે ઉપ્પરાં અરામ કન્નઁ ચલદી એ। સ્ટેશન સુપ્રિટેંડેંટ જુગલ કિશોર હું'દા આખના એ જે અગર ઇસ રૂટ ઉપ્પર ટ્રેન દી મંગ બદધી એ તે રેલવે વિભાગ હોર ંનાં ચલાને આસ્તઁબી તઘાર એ। ઇસ બારી પઘલી દફા એ જે સ્યાલે દે મૌસમ ચ ઇસલઁકટડા થમાં શ્રીનગર તોડી રેલ સેવા લગાતાર ચલા' રદી એ।

<><><><><><>